

中國邊疆史志集成

內蒙古史志
42

全國圖書館文獻
縮微復制中心

熱河志

重刊熱河志敘

熱河于有清爲三輔嘉慶以前

六飛之重恒至其地肆武綏邊厥典至重雍正置州乾隆改郡乃輯
方志

廟謨諄勗從臣殫力賅博翔實若在畿輔盛京之右元 統志今已
罕覩是志徵引至到道里卓爾詳備元志不泯于斯焉繫北方圖經
方志之屬金元之兵灰滅殆盡臨安建康三山會稽宋志存者皆在
東南在北方者長安河南大都而外此其最矣頃聞遼海同人儻印
叢書首及茲編知所先務蓋斯之謂特是自嘉道來卓昭兩盟諸部
各旗凡奏達者多資承轉幾如漢南庭之于度遼將軍唐蕃州之于
安東都護是志則仍限于郡邑區域于昔之府州軍路今之邊部山
川風土猶有未及詳者賡而續之恢而廣之望諸來哲其未艾也江
寧吳廷燮

御製熱河志序

爲各省之志書易爲熱河之志書難彼其以漢人書內地事且各府州縣本有晉乘楚檇札薈而輯之其易也不待燭照數計而龜卜也熱河之志則以關外荒畧非內地而遼金元之史成于漢人之手所爲如越人視秦人之肥瘠忽然故曰難夫遼金元非若唐宋之興于內地而據有之也又其臣雖有漢人通文墨者非若唐宋之始終一心於其主語言有所不解風尙有所不合且遼金元皆立國不久旋即遜出則所紀載欲其得中得實蓋亦難矣夫遼金元之史紀內地而欲其得中得實尙且難之况邊關以外荒畧之地乎其不能得中得實亦益明矣當今之時熱河之志不可不成者則以本朝荷天之眷百有餘年累洽重熙漢人已數世被覆載生育其語言風尙薰陶漸漬不可以遼金元之漢臣例之亦理之必然况我皇祖建山莊於此地非爲一己之豫遊實貽萬世之締構而顧可無

書以垂永久乎山莊內本有溫泉出而匯武列之水俗遂有熱河之稱茲雖爲州爲縣而仍以熱河稱之者存其朔便於衆也

皇祖有詩云聚民至萬家蓋輦路之際人煙尙少後乃閭閻日以富耕桑日以闢至于今將百年屹爲都會

皇祖雖嘗名之曰避暑山莊序詠三十六景而未輯志者其或有待耶抑亦文獻不足徵而遲遲爲之耶山川里邑建置沿革與夫古蹟人物司事之臣雖摺撫遺逸猶有未備未信者其說具見於前而吾之序是書以行世者正所云在此不在彼

乾隆四十六年五月十二日

欽定熱河志

進表

御前大臣領侍衛內大臣戶部尙書臣和珅 經筵講官戶部尙書

臣梁國治誠懽誠忭稽首頓首上言臣等奉

勅編輯熱河志成書謹奉

表上

進者伏以

乾元握紐九畿環紫塞之垣

辰極恢紘三輔拓黃圖之版宅神皋而納爽別開薰館於

仙莊臨朔野以綏邊肅奉秋田於

御蹕環興安之萬嶂皆成采甸之疆導武列之三源特敞梁鄒之囿

控膏腴於左部蹟擅金湯攷形要於中京圖陳竹素通都四闢提封

連大漠而遙載籍重編數典記溫泉之舊坤維壯色壁府騰輝竊惟

景緯初分聿區斗野廣輪肇啓爰列裨瀛周官載紀職方班志詳疏
郡道徵實則歲時入記訂疑則風俗成書體裁並侈於曩篇規制相
沿於雜志然而龍沙遠界猶仍荒略之名雁塞層開孰究邊隅之境
築長城於徼外秦家之讓地已多通屬國於寰中漢室之分疆亦隘
况乎炎基東造幕南不入方輿晉祚西遷冀北胥成外域郝旦諸蕃
之內徙稱寇頻聞鮮卑列部之分雄建庭漸逼逮乎慕容立國營都
邑於柳城拓跋開基置安州於松漠而光壽建熙之後變故相仍孝
昌武泰之間淪胥益甚是以前後燕之州郡舊鮮徵名東西魏之地
形每稱寄治齊周隋三朝遞嬗紛爭常在龍城奚契丹兩部同興錯
處並依狼水唐設羈縻之府領蕃族而多淆宋修交聘之儀錄行程
而未備盖居檀薊平諸州之外詎能深悉方隅即在遼金元三史之
中亦但麤傳經畫降自大寧之棄適當永樂之初割裂土疆盡入朶
顏三衛摧殘兵燹全虛富峪四城版章久限於邊牆甌脫頓荒於戍

壘歷稽簡牒殊方並阻幽遐遍遡垓埏

今日同臻熙皞欽惟

皇帝陛下

功參覆幬

治茂登咸吹玉琯以誠和海寓應同風之律握瑤樞而廣運星階聯
拱斗之符辨位正方仰

神謨之首出象功昭德紹

景運之不承昔在

太宗肇龍興於諸部粵惟

世祖奠鰲紀於中原遂使玉障之封悉隸金城之宇我

聖祖仁皇帝綏懷藩屬整飭邊防值久安長治之時厯肆武習勞之
義修甫田於吉日虞衡匪侈遊觀萃

靈囿於羣藩牧圉交輸誠蓋

雲軒屢駐名區成和會之都巖館初營勝境開清涼之府揭雲霞之
煥爛當年

寶翰長留經雨露之涵濡茲地編塵益聚我

世宗憲皇帝際承平之統增理事之官上塞輿圖悉隸神州之籍諸
藩部落咸趨尉吏之符我

皇上膺下武以承庥纘

前文而展義

龍光歲覲期門羅七萃之儀

鳳葆時巡仙苑

駐六飛之駕每清塵之載道當滌暑之佳晨林巒則秀本天成亭榭
則靈由地獻祥葩秀草皆符

對育之襟瑞獸胎禽各繪恬熙之象愜

宸遊於三十六景豫奉鳴鑾陳王會於億萬千年歡臚輯瑞若夫典

稽表貉禮舉行旼羽騎齊陳獵場載啓金鞍耀日拂寶駿之三花玉
纛捎雲映高牙之五色駿寥天之露重正逢呦鹿之辰乘廣漠之風
高怡應祭羆之令鴻網蔽野排隊伍之森嚴虎落連山括岡巒之起
伏仰

天弧之親挽百中稱神瞻

御鞞之遙臨三呼効響加以

威稜疊播風動濛池疆索宏開路逾瀚海慶雪峰之底定琛玉盈庭
欣月竈之來同鑠錫合部習朝儀於

行殿封崇五等之班隨

法仗於和門

命扈三驅之典洎夫

皇風普鬯佛日遐輝祝

寶算於中天演法輪於後藏耆閣跋利通紫漠而徠賓兜率伊蒲譯

丹書而獻

壽頌

曼殊之功德慶洽聲聞廣震旦之宗傳懽陳舞蹈若乃封陲廣衍版籍充殷貨別千場居環萬井名都對郭金墉分緊望之區上郡專城繡斧轄甸宣之使拓三邊而建治統壹旗廳聯七屬以宣猷肇新州邑俗安耕鑿家餘高廩之儲化盛絃歌戶有橫經之彥育菁莪於阿澗璧水澄輝擷芹藻於宮牆金絲叶奏

寵頒上舍捧縑而喜溢黌門額定賢書握槩而歡騰蕊榜際風聲之不洽宜簡冊之旁徵

特命廷臣肇修輿志俾蒐羅於文獻用審定於幅員前茲副稿臚呈已摩編之畧具繼以

綸言指示期辨訂之加詳蓋邊徼之區分傳疑最易而舊聞之引据襲誤尤多在漢史唐書未及通其疆域即桑經酈注何由晰厥源流

是以洫水要水之沿譌奉折衷於

宸斷灤河熱河之派脈經考證於

聖裁大綱既得所遵循餘類各加之采訪臣等學疏汲綆職忝操觚
朵殿趨蹌幸

光華之近被

旌門侍從欣典禮之親瞻爰披志籍以研搜更集圖經而校勘山川
風土敷陳悉據

奎章甲乙丹黃刊削謹承

槩訓二十四門州居部次期鉅細之無遺一百廿卷類別區分庶初
終之畢貫緬

天題於軒籙文成紉縵之華敷

聖藻於虞絃響叶韶箠之奏

省方問俗頌時邁以編年率屬歸誠紀綏徠而會極陳棟宇經營之

制樂文囿於靈臺美山林蕃育之陬陋周京於甫草辨疆隅之分合
越幽并而疊按經涂考建置之異同迺秦漢而歷尋障寒暑景星圖
之遞驗燦若列眉山經水誌之旁搜瞭如指掌幸烝髦之蔚起治燠
同文偉庠序之崇開規詳立學環衛重屏藩之守別舊系於茅封勝
因闕剝宇之名創新模於蓮界設監樹長統臂指以承流置邏分營
寄爪牙而飭備釐姓名於近牒仕籍駢羅徵治行於陳編宦遊踵述
人物則風謠尙樸士女貞良民財則食貨居先農商樂利至若嘉生
庶殖共入品題與夫廢壘荒墟俱經撫拾故事分詳歷代例起於兩
都外記徧錄羣雄名傳於各部彙羣言之斧藻式彰能賦之長集往
哲之緒餘亦備洽聞之助淹期載筆媿箋素之難窮計日成編幸汗
青之甫就撫金甌而紀盛願綜括乎亥維章步之墟紬石室以探奇
欣擴充乎錐指管闕之識糜丸虎僕新成益地之圖馬服龍庭悉耀
光天之治考酉陽之奧籍哀地志於縑緗荷

乙覽之親裁錫

天言而弁冕伏願

頒垂册府宣示藝林駭形訓於九瀛軼寰宇太平之記待甄羅於四庫備

熙朝廣內之儲庶幾邁邱索之奇編圖增白阜入嬾嫗之祕錄字煥丹函臣等無任瞻

天仰

聖激切屏營之至謹奉

表恭

進以

聞